



Caderno da crítica

Cuestionario Proust: Celia Parra

[Ramón Nicolás](#) 25 Marzo 2015

1.– Principal trazo do seu carácter?

– A creatividade e a ilusión.

2.– Que calidade aprecia máis nas persoas?

– A bondade, a intelixencia e o entusiasmo.

3.– Que agarda das súas amizades?

– Que camiñemos xuntas.

4.– A súa principal eiva?

– A inseguridade e a indecisión.

5.– A súa ocupación favorita?

– O cine.

6.– O seu ideal de felicidade?

– Vivir traballando no que me apaixona, rodeada das persoas ás que quero.

7.– Cal sería a súa maior desgraza?

– Non sabería dicir.

8.– Que lle gustaría ser?

– De nena quería ser inventora. Así, en xeral.

9.– En que país desexaría vivir?

– En Galicia, se a nosa lingua e cultura estiveran onde teñen que estar.

10.– A súa cor favorita?

– O violeta.

11. – A flor que máis lle gusta?

– Todas as que desprenden olor.

12.– O paxaro que prefere?

– Paporrubio.

13.– A súa devoción na prosa?

– Cortázar, Kundera, Suso de Toro.

14.– E na poesía?

– Moitas: Rosalía de Castro, Manuel Antonio, Pilar Pallarés, Yolanda Castaño, Estíbaliz Espinosa, Antía Otero, Berta Dávila, María Lado, Andrea Porto, Andrea Nunes, Olalla Cociña, Xesús Castro, Cristina Ferreiro, Cristina Peri Rossi...

15.– Un libro?

– Só un?, imposible.

16.– Un heroe de ficción?

– O inspector Gadget.

17.– Unha heroína?

– Momo, a fantástica nena creada por Michael Ende.

18.– A súa música favorita?

– De novo, moitas: podó pasar de Chopin a Guadi Galego, estancarme no jazz, empezar con Sés e rematar en Kusturica, estar moi de Ataque Escampe ou moi de bossanova. Depende do momento e do ánimo.

19.– Na pintura?

– Klimt, Hopper.

20.– Un heroe ou heroína na vida real?

– Todas as mulleres que loitan polos nosos dereitos.

21.– O seu nome favorito?

– Mariña.

22.– Que hábito alleo non soporta?

– A envexa.

23.– O que máis odia?

– A prepotencia e o machismo.

24.– A figura histórica que máis despreza?

– Franco. Entre outros moitos.

25.– Un feito militar que admire?

– A Revolución dos Caraveis.

26.– Que don natural lle gustaría ter?

– A ubicuidade.

27. – De que maneira lle gustaría morrer?

– Sen dor.

28.– Cal é o seu estado de ánimo máis habitual?

– A tranquilidade, a efervescencia e o estrés. E así sucesivamente.

29.– Que defectos lle inspiran máis indulxencia?

– Os que nacen da inocencia.

30.– Un lema na súa vida?

– Pasiño a pasiño faise o camiño.